



Il mas-chalch da Sent

Publicaziuns officialas. Cumpara seguond bsögn.
2003/2005
no. 14

7554 Sent, 08 december 2003 / rz

Avis / Mitteilung

Mardi als 9 december 2003 da las 14.00 a las 16.00 vain interrupt la forza electrica in cumün e fracziuns. Seguaints cuntengns sun pertocs: *Stromunterbruch am Dienstag den 9. Dezember 2003, von 14.00 bis 16.00 in der Gemeinde Sent und Fraktionen. Folgende Ortsteile sind betroffen:*

Cumün da Sent da Plaz vers ost	/ Gemeinde Sent östlich von Plaz
Tuffera e Spinatscha	/ Tuffera und Spinatscha
Fracziun da Crusch	/ Fraktion Crusch
Fracziun da Sur En	/ Fraktion Sur En
Panas-ch Sura	/ Kieswerk Panas-ch Sura

Nus giavüschain a tuot la populaziun da tour cogniziun da quist avis. *Wir bitten um Kenntnisnahme.*

Schef d'energia
Energiechef der Gemeinde Sent

Acziun da Nadal "gran engiadina" - far pastinas cun farina biologica da l'Engiadina Bassa!

Lessan Ellas/Els far ün plaschair a Lur amis ed a Lur famiglia cun alch tuottafat special? Lura es noss'acziun "gran engiadina" precis quai ch'Ellas/Els tscherchan!

Cun la cumpra da farina da furmairt biologic da Ramosch e Sent contribuiscan Ellas/Els cha la cultivaziun da granezza, chi düra uossa passa 3000 ons in Engiadina Bassa, possa gnir mantgnüda e cha'ls chomps da gran straglüschan eir da quinderinavant in lur culur gelgua!

Davo l'acziun, chi vain organisada in connex cul proget per promouvoir la cuntrada da terrassas a Ramosch, stan l'Associaziun Gran Alpin e la Fundaziun svizra per la protecziun da la cuntrada. Ellas s'ingaschan insembel cun singuls furners, butias e paurs engiadinais per la continuità da la cultivaziun da granezza in Engiadina Bassa.

S'interessan Ellas/Els per "Gran Alpin"?

Nus Tillas/Tils pudain spordscher il seguaint:

Farina clera da furmairt indigen d'ota valor da Ramosch e Sent (racolta 2003)

La farina as poja cumprar e postar ultra dad oters prodots da Gran Alpin in diversas unitats aint illas seguaintas butias

(a partir dals 10 december 2003, 1 kg = fr. 4.50; 5 kg = fr. 20.00):

Lataria, **Zernez**; Tessanda Regula Verdet, **Guarda**; Butia Sgabuz, **Sent**; Butia producziun engiadina, **Scuol**; Furnaria e pastizzeria Häfner, **Ramosch**; Butia Häfner, **Strada**; Paun e chaschöl, **Samedan**; Lataria Wüthrich, **Puntraschigna**; Cafè Creperia, **Segl Maria**.

Pan special da furmairt da muntogna biologic dal Grischun

Ils seguaints furners faran üna surpraisa a Lur cliaints cun ün pan special:

Häfner, **Ramosch**; Giacometti, **Lavin**; Erni, **Scuol**

Ulteriuras postaziuns ed infuormaziuns pro: Hans Casper Trepp, manader da gestiun da Gran Alpin, tel./fax 081 637 03 07, www.granalpin.ch. Bler plaschair cun far pastinas e bels dis da Nadal Tillas/Tils giavüschan

Christine Neff, Fundaziun svizra per la protecziun da la cuntrada